

海王邨古籍叢刊

張文襄公全集

海王邨古籍丛刊

張文襄公全集

張之洞著

第三冊

中國書店

張文襄公全集卷一百一十五

公牘三十 批廣類

批鑛政局詳酌議開辦章程

光緒十二年四月初七日

所議章程均尙周妥仰即如詳辦理惟近年各省開辦鑛務皆未能延請真正鑛師遂致坐耗巨資毫無起色現在應飭商人延聘精於化學之鑛師尋求善地考驗分質庶免虧耗如果能詳細講求實力辦理本部堂自當逾格獎勵以資鼓舞尙有未盡事宜亦即由局詳加酌度隨時申請核奪一面出示曉諭招商承辦頒發章程以廣招徠而資遵守一俟開辦有效本部堂即當奏張文襄公全集卷一百一十五 公牘三十 咨立案

批道員盛宣懷稟請開九龍商埠

光緒十二年四月二十四日

所議九龍開埠免稅招商實爲力保利權馴致富強之論具徵識議安遠深堪嘉許惟事關勦辦利弊先宜熟籌仰候札飭東布按運三司督糧道會同迅速核議詳覆以憑具奏

批東安縣文博稟查覆西甯縣稟請撥兵辦匪各

節 光緒十二年五月二十五日

據稟西江一帶河道無非陳定邦窩聚匪盜陳定邦已獲黨與四散殊屬慮度之詞核察西江情形未必止陳

定邦一人窩盜臬司札飭原期該縣與德慶西甯州縣合力密查以清盜藪該縣不能悉心領會但以歷次獲盜多名尙無大夥盜匪橫行已有廣安水軍震懾無煩兵力殊不知陳定邦盜夥眾多該縣連界河面未必卽能安定謂不煩重兵則可若謂匪黨四散閭里已安無庸再事搜捕則不可本部堂現委總兵侯勉忠署理羅定協副將兼辦東安西甯兩屬水陸緝捕副將黃榮華署理水師營參將仍統率廣安水軍與巡船聯絡協同辦理捕務該縣當乘此聲威迅速密查境內盜窩及水陸緩急情形會合搜拏以收一勞永逸之效勿仍拘牽地段徂於積習自貽後患

張文襄公全集卷一百一十五 公牘三十

二

批惠州府夏獻銘稟酌擬匪鄉辦法

光緒十二年六月二十日

據稟匪鄉辦法貴乎核實所見甚是惟所稱有終身爲不善而其罪不可指名以附於法者等語殊屬費解如積年兇暴素行不法有據殺剝匪實據無論主糾聽糾皆可名之爲土匪土匪卽法所應辦斷無終身爲不善而其罪不可指名之理法生於名故周秦諸子名家與法家意指類多貫通史漢亦稱刑名至不可指名則究坐何罪又並未爲惡而名在丹書實係被人擇噬一語丹書係指已定讞而言但被人一呈一狀一票一揭均

不得謂丹書如被人誣告更不得謂名在丹書果係並未爲惡即當隨時審明隨審更正亦斷無並未爲惡而聽其名在丹書之理至不必論其所犯之有案不有案但論其爲匪不爲匪二語殊有語病因其有犯故名爲匪果身犯爲匪之事雖或因人畏凶悍不敢告發或已經到官狡脫倖免當此查辦匪鄉之際或被害之家控訴或紳耆鄉鄰呈首查審得實即當懲辦是昔雖無案而今有案矣若始終無人控告傳審又無情節又何從斷之爲匪而誅之乎蓋被控之案審實則成案審虛即不成案爲匪之案審實則爲匪審虛即不爲匪此理甚明該府既稱巨竊必誅誣告必辦宜言凡實係爲匪即舊例罪名稍輕必究實照章嚴辦若並未爲匪即被人控攀有名必審明立雪其誣方爲明白了當斯不致善惡不分枉縱失平矣昨據署廉州府李守議稟已分條核行即使各屬大同小異亦不妨參酌辦理仰東臬司轉飭遵照

批運司詳查明緝私各廠鹽務公所及首領衙門入款酌提歸公

光緒十二年七月二十日

所議各節均屬妥協惟窮員津貼擬以每年每員支銀六十兩以一百員爲率一節不如即就此款改爲按月

張文襄公全集

卷二百十五

公牘三十

三

考課酌量等第分別給領尤足以昭核實而屬人材仰即將此節妥議章程另詳核奪至向來窮員本有津貼係按三節酌給此後或仍其舊或併入此項考課款項內辦理並即議覆

批釐務局詳商人包承火柴釐金

光緒十二年七月二十四日

據詳商人黃慶和包承火柴釐金並摺開章程閱之不勝駭異查該商認繳之數每月僅得銀七百兩乃於省佛山頭北海海口汲水門馬溜洲佛頭洲長洲九龍前山榕樹灣關開神泉甲子惠州淡水等十七處設立廠卡壘斷罔利已於商民有妨該商猶以爲未屢且申之

張文襄公全集

卷二百十五

公牘二十

四

曰洋來或到別埠土造或遷別處准商等隨時添設廠所而又船隻巡役器械紛紜未盡事宜尙須隨時稟請舉辦試代該商思之每月廠費若干雜支若干必須抽收若干然後能繳此七百兩之餉其必騷擾苛索多方取盈可知以家人日用束縲乞火之微物而令通省水陸立專卡設巡船頒鈴記封鋪戶幾與監樵銅官相等傳之海內鮮不駭笑者矣至奸商影射取巧藉洋人爲護符誠所不免以每月七百兩之故致令中外交涉增出無數葛藤地方官固將應接不遑該司道亦將日不暇給種種窒礙利少弊多誠使給論開辦不及一月全

省驛騷該局豈能職此重咎乃謂逐一核正尙屬可行一何輕率乃爾況粵省籌餉雖急尤須刻刻以恤商安民爲本本部堂與該司道等言之諄切幾於舌敝唇焦從前舉辦牙捐歲認鉅金猶不准其攔河設卡成案具在該局胡竟忘之倘該局確見此項火柴認真抽收於餉有濟則詳定釐則責令現設各廠帶抽未爲不可所得容或不止此數何必身任煩擾爲奸商創必不可開之利源乎此舉有乖政體無裨餉需應勿庸議仰卽酌議收數補入釐則飭令各廠一律帶抽仍將辦理情形具報

張文襄公全集

卷一百十五

公牘三十

五

批兼署運同朱丙壽稟請帶抽閩釐並酌減成數各節
光緒十二年十一月二十四日

行鹽省分代抽鄰省釐金定數包解最爲善法有四川前督部堂丁貴州前署撫部院李歷次所陳川鹽邊引包完黔釐各奏案可據福建汀州府牙釐局誤招土棍包收鹽釐以致商怨運滯大礙潮橋正餉該兼署運同擬將汀杭永連等埠釐金改由埠中帶抽完繳並照福建西路邵武等縣鹽釐成案一體於已減二成外再減二成係爲廣銷引鹽起見且閩鹽就近運銷成本自省粵鹽自潮橋運至該四埠道遠費重閩鹽之釐既經再

減粵鹽之釐何獨照抽所請該四埠鹽釐由粵帶抽包解於閩有益無損且應照案減釐方爲公允應卽咨商閩省必須籌一妥善辦法揭開長汀漳連年支送地方文武衙門官規據請查照銷鹽票數按成計送一節官規名目非公牘所宜言姑念隔省陋習相沿不遽禁革且地方官協力緝私不無所費然使銷出鹽價至不足以供規項則虧缺課餉誰實致之該地方官亦不能坐視也所請卽以額銷一百二十票計算每銷十二票爲一成尙屬平允至汀州各埠擬由閩招商認辦一節查甯化歸化清流武平四埠閩近而水粵遠而陸以致閩販行鹽粵省賠餉實非平允之道惟閩省是否肯認應候咨商仰鹽運司卽將帶抽閩釐酌減釐數按成給規劃埠歸閩各節及一切未盡事宜查案迅速妥議詳覆以憑分別咨商具奏

張文襄公全集

卷一百十五

公牘三十

六

批瓊州府謙貴稟華商請辦瓊洋輪船
光緒十三年三月初五日

此事前准粵海關監督咨行駁飭在案第商人陳大盛稟請造辦小火輪船專走瓊洋十三屬地方及過海安雷州等處專以渡人爲事等語本部堂察核所稟情形此舉於商民未嘗無益緣瓊洋十三屬濱臨大海風濤

甚惡非設立輪船渡難免冒險之虞至條約所載非通商口岸不准輪船來往一條自係專指洋商而言今該商係華商非洋人與外國條約無干且長江沿海商局輪船通行已非一處此舉尙應再爲從長計議惟霄瓊一帶洋面二千餘里該商雖以渡人爲名必兼搭客帶貨若令稅關釐卡無從稽查抽收不無窒礙查該商本係民人所置輪船仍係民船生業其應完常稅釐金仍應向常關釐廠完納方爲完善無弊果能嚴定章程重其罰款於粵海關稅及各廠釐金不致漏越當可再爲各商辦理至該商所請專走瓊洋十三屬及過海安

張文襄公全集

卷一百十五

公牘三十

七

確切查明稟核仰即遵照飭議稟覆以憑各商核辦
批西藩司等會詳據委員稟查覆鬱林釐卡弊端
光緒十三年
六月初三日
釐廠弊端本屬繁多而近來巧詐尤甚不但各卡附近墟船路擔託名廠用抽收入己且有名爲讓釐實則抽費以及不填釐票並將每日自收數目亦不存留實據以期減述者術雖不同其爲以多報少則一也前經委員密查鬱林博白兩卡弊端較甚飭經該總局委派周令克堃前往確查該令宜如何破除情面切實指陳冀除積弊茲閱稟覆各條俱屬空言敷衍卽如原單所陳鬱林總卡博白分卡兩處每年各收釐錢四萬餘千串而報解僅有二萬餘千串是其所收數目與所報數目不符遠甚故須派員往查茲該令但稱總局原存該正分各卡收數冊報有案調查自當瞭然等語如果冊報之數可信爲實又何用該令確查爲耶該令又稱合以歷年比較大致不差等語查比較之法原欲令各卡爭自振奮爲之記功給獎並非示以限制不計盈餘無如各卡員恃有比較轉若以此爲限約計不致短絀卽卽概入私囊此乃各處通弊正須力加整頓而該令乃謂比較無差便欲爲無弊之據已屬含混無理況該令既

張文襄公全集

卷一百十五

公牘三十

八

已查出鬱林總卡光緒三五等年確收各卡釐錢四萬餘串四六七等年亦收三萬串博白分卡光緒三四五等年收錢三萬串有奇六年收錢二萬二千串有奇何以近年鬱林正卡僅收二萬六七千串博白分卡僅收一萬七八千串該合所謂比較無差者豈將指最細之年以爲定限耶尤爲謬極查鬱林地方偏僻民間常年來往貨物略有定數斷不致大相出入而釐金日見其少謂非弊竇而何豈得以近來米穀不出洋單又進遂爲藉口之資鬱林多係旱道米穀出境最少本部堂豈不知之至於洋單進口惟廣東爲最多何以東省釐金

張文襄公全集

卷二百十五

公牘三

九

經本部堂疊加整頓近來日有增益耶至於各卡收釐無票者據稱已有數處難保不相率效尤甚且將大宗貨物亦復漸不給票此等弊竇殊駭聽聞乃反謂弊端已少尤不可解在該合罔識大體惟知見好同寅不敢盡言招怨僅於各條中毛舉細故以圖搪塞固屬可恨而該司道等雖係暫時署理亦宜振刷精神互相講求共濟時艱何得竟聽該合空言敷衍了事殊非本部堂責成考察之意仰即將鬱林各卡比較之數切實加增查明自光緒元年起至上年止所收各年釐金數目以最旺次旺之年合併酌中計算定爲比較毋令仍蹈故

轍稍有侵虧其餘一切弊端一概嚴行禁革自經此次加增比較倘該卡員等再有私抽入己情事本部堂一經查出定即立予撤參決不曲爲寬貸該合周克莖奉委查事不實含混稟覆應記大過一次停委一年卽移會西藩司注册併將批行各節分飭遵照暨將加增比較數目具報查核此外南甯百色各卡弊端亦卽確查分別辦理均毋違延

批東藩司會詳議給各州縣津貼考費銀兩

光緒十六年九月十六日

歲科兩試經費爲數浩繁州縣要差賠累自應體恤前張文襄公全集

卷二百十五

公牘三

十

因餉需緊迫局款各有待用專款是以停給津貼令由各該州縣另行籌畫現經飭令善後局查出弛禁商人有浮收二一水等項議令加繳餉項此係新增之款尙可酌量提充公用以後此項加餉雖不能照初次之數認捐亦斷不能全行減免該司道等議提銀二萬兩津貼本年承考各縣此外亦應一律議及通籌勻給方免偏枯應卽查照光緒九年司局詳請津貼考費原案於弛禁加餉項下三年內共提銀四萬八千兩以充羅定嘉應歸善茂名高要海陽合浦海康瓊山九州縣津貼歲科兩試經費之用仰東布政司會同善後交代各局

督飭廣州府詳查各州縣辦考應用細數並外屬每屆解到公捐考費實數大略依據舊案勻給之數斟酌損益務令平允就中海康一縣同屬既少地方尤爲瘠苦應較原數酌增擬議數目詳候本部堂會同撫部院核定並將以上九棚外屬各州縣向章應解公捐考費體察情形各就力所能及酌定一數開單詳明分飭各該府州縣照數解足不得因省局籌有津貼遞減取巧以期經久經此次籌發巨款以後如有虧挪情事務即嚴查詳參

批委員陳瀛藻等稟請發轟開險灘炸藥等件暨

張文襄公全集

卷一百十五

公牘三十

所需工費

光緒十三年九月二十六日

昨經札飭該員等赴西省轟開險灘已飭軍械局撥發炸藥三百磅並飭善後局發給薪水等項矣茲據稟未開之灘尙多請發黃炸藥一千磅英煤十頓及雙單頭電綫印度膠印度帶白金絲等件均屬可行至所需經費春間所開十四灘用過銀一千五百兩現查應開尙有二十九處均係水深石硬工程較難所請經費三千兩亦卽照准該員等務須撙節支用俟工竣連前次所領銀兩一併據實造冊報銷毋得稍涉冒濫其電綫等件購運甚難慎毋稍有損失此外擬購船隻添雇機器

匠泗水人夫添購入水衣袴零星等項津貼工匠衣服銀兩均由善後局核明酌量擬給具報至沿途各縣營所派兵役照料護送彈壓巡船准卽札飭照派本部堂不惜重費惟期一勞永逸利及商民此次務須一律開竣方准銷差勿得曠日糜費仍留一簣之虧也

批雷瓊道府稟請發經費籌辦疏濬水道各節

光緒十三年十月十二日

瓊州善後應辦之事甚多顧事理有緩急籌辦有次第若如所稟疏水道通溝洫增開壩造船設筏各節及他稟建營礮設屯田興義學創官市等事遽請一概撥給

張文襄公全集

卷一百十五

公牘三十

經費並薦兼營五稟共請發銀十六萬兩未免駭人聽聞微特粵省無此財力該道府等亦無此力量包舉靡遺目前亦無如許人才足供器使若不量力而爲必致顧此失彼旋作旋輟有糜費而無實際矣所有五稟應辦事宜已飭局統發經費銀二萬兩解交該道切實辦理撙節動用核實支銷

批雷瓊道府稟請酌發經費修補井字路

光緒十三年十月十二日

增修各路工乃防營勇丁應辦之事量雇土黎幫同作工所費有限總於撫黎經費內開支當此冬令瘴消正

宜派員督率深入分段認真修鑿培補餘事已於該道府請疏濬水道稟內詳細批示矣

批雷瓊道府稟請撥經費建築營碣

光緒十三年十月十二日

建築營壘皆防營所宜有事豈能另給經費瓊地營房不過用竹木椰葉之屬足資棲止山中取材甚便不費一錢黎人甚弱碣卡但取其可以駐軍防守不比金川礮樓必須雄峻深固狀如高臺堅城也所需陶瓦該道府擬於黎境擇地開窖備造甌瓦應用事屬可行但所費無多應即統在撫黎經費內開支

批雷瓊道府稟請撥經費設屯田義學

光緒十三年十月十三

張文襄公全集

卷一百十五

公牘三

三

屯田爲備邊之良規非撫黎之切務繁重而無實用至籌建義學鄉塾前准馮督辦電稱各屬查辦客黎叛產甚多擬請以半變價以半招耕爲修造義學及常年經費等語該道府等應即督同各屬遵照清釐舉辦此等事全賴地方官率作興事若悉仗公帑經營豈有濟耶黎地義學不過先令其學習漢語漢文認識村書雜字宣講聖諭廣訓如是而止不必求深

批雷瓊道府稟請發經費創設官市

光緒十三年十月十二日

撫黎自以開通利源爲先務然如采木設市等事官爲

倡始祇可建造屋寮招徠商賈防護劫奪平定價值減免釐稅聽其自然趨赴久之自能成聚成都吾聞因民之利而利不聞奪民之利以爲利也據稟創設官市建立廬舍收買貨物轉售而又取約券權子母是直奪商利而斂之官甚非政體且利之所在經理一不得人賠折則累及官帑獲利則徒飽私囊必然之勢古來官辦商務除劉晏一人外有利無弊者更無所聞其難可知查荔枝園地方據周令林伍令蓉等電稟已建屋開市民黎受雇列肆者甚爲踴躍他處即可仿照辦理惟所稟目前冰片登場此乃黎貨大宗姑先由該道派員采

張文襄公全集

卷一百十五

公牘三

四

辦行銷藉以考核黎貨盈虛商利多少准借撥銀三千兩交該道試辦選派委員經理看其有無成效據實稟聞此項即在撫黎經費內借撥支用至設墟造房所費不能甚多應統在撫黎經費內開支核實動用具報

批前山同知蕭丙堃稟籌議整頓前山暨蜆民陸

居各情形

光緒十三年十月十五日

該署丞所需水陸勇丁暨添設拖船四號各項薪糧經費已於另稟批行遵照由善後局支領並撥利涉健銳輪船兩隻均聽該署丞調遣矣茲請撥前泊黃埔快扒二艘候飭釐務局發給應用俟船隻到齊即飭派勇丁

分紮水陸扼要巡防寨城日人坍塌易土以輒向爲合
宜應逐漸設法籌修所有魚欄捐款是否可行應即妥
爲辦理務令商民樂從勿使畏沮聞訊原有把總望
廈汛原有外委入經展轉遷移應候察看情形逐漸移
回無庸驟舉以免疑論廣東舊戶舊俗雖不陸居若海
島官荒令其置屋自屬無礙該署丞即可隨時招徠應
俟文物漸興再行請給學額現在尙無居人不必先行
入告其餘應辦事宜陸續妥籌辦理具報查核

批運司詳鐵斤鐵器出口擬令仍納地稅

光緒十
四年二
月二
十日

張文襄公全集

卷二百十五

公牘三十

五

上年奏開海禁原爲暢土貨以惠工商敵侵銷以收利
權據該前司會同釐務局司道議將起驗兩釐改爲地
稅一次併徵茲據詳內地行銷仍照章免其加抽地稅
如係告運出洋再納地稅於旗票注明等語是無旗票
者未能隨意營運商販仍多不便蓋出洋之貨轉相販
運者多逕行告運者少一經限制難冀暢行殊非奏開
海禁之本意查旗票一事乃從前例禁嚴時限界銷售
而設今既開禁則鐵器亦與尋常貨物無異尙何庸問
其所往所有從前之旗票告運等項自應一併停止以
免牽掣至於開設鑪座分別大鑪土鑪應交鑪餉與販

運鐵器完納稅釐係屬兩事現當開禁伊始正宜多方
利導俾令暢行所有鐵斤鐵器稅釐均毋庸改爲地稅
並將軍監牙加斤甲等稅暫行寬免其有向來派累鑪
商之處亦卽一併裁禁統俟出洋暢旺再將應納稅釐
從輕酌定抽收以期因時制宜變通盡善業經另行具
奏仰卽遵照辦理

批廣福呈呈創立會款

光緒十四年三月初一日

聞姓一項因爲杜塞漏卮始准開辦此外別項賭博非
可設法效尤也該職員所呈各節專爲誘賭希圖抽頭
與開設花會白鴿標等類何異豈有此等政體任意妄

張文襄公全集

卷二百十五

公牘三十

六

瀆殊屬謬妄應嚴飭

批藩司詳請月課候補人員並呈考課章程

光緒
十四
年三
月二
日

據稟擬月課同通州縣佐貳雜職於保甲國防經費項
下按月撥銀獎賞藉以識拔人才用意甚美並據續呈
考課章程兩院及兩司按月輪考應卽照辦其餘各條
均屬周妥至考課之地應俟臨時察看人數多少隨時
酌定不必拘定一所其需款卽在新籌保甲國防經費
項下餘款動支惟文藝吏才究屬兩事未必兼長至委
派優差自應按其才具勞績酌量器使若屢考前列者

自必屢得優獎已足鼓勵體恤不便即予優差以示限制庶幾政事文學兩無偏廢餘俱如所擬章程辦理

批潮州鎮鄧安邦等稟堵塞福隆等圍決口酌議

奏捐章程

光緒十四年四月初六日

東莞地方素稱繁盛福隆等圍向係官督民修技鄉派工立有刊石章程原不必官爲籌款惟此次春水斗發爲數十年所僅見誠恐派工需時夏漲踵至潰決愈寬據稟福隆司馬兩圍約需經費萬餘金茲特飭東善後局籌撥銀三千兩俾資倡率此乃因該圍今年被水過重傷損甚多格外體恤他圍不得援以爲例仰該鎮即張文襄公全集卷二百十五公牘三

七

便赴局承領並勒令紳董業戶踴躍捐足上緊興修至所發之款何圍應給若干即由該鎮體察民力分別破水輕重情形酌量分給務令實惠同需並即先將決口設法堵塞一面商同局紳趕緊辦料興工嗣後歲修章程應如何分段保守各專責成該鎮即會同東莞王令妥行籌議稟候察奪

批儋州客籍紳耆呈控諸吏虐民逃丁滋事請飭

密查

光緒十四年四月十五日

儋臨客匪屢撫屢叛爲患已久光緒十一年冬十二年春匪首黃鄭保等句結新老各客數千人攻破澄邁之

金江司等處擾害數百里焚掠百餘村戕害良民七八百人擄去婦女百餘口所到財物搶劫一空府城震擾拒敵官兵民恨客匪痛入骨髓疊據馮督辦及方道封送土民呈詞數十紙情詞迫切慘不忍聞本部堂查悉情形奏派大員統兵前往辦理本部堂深恐大兵一到臨村圍捕誅戮必多是以勒兵不動但令土紳將悍匪自行繳送前後通計稟報懲辦者不過百人且照准方道所稟令土客各清各匪嗣後客勢雖戢餘匪尙多民憤未平呈控不已本部堂上體皇仁特籌安插之方曲示保全之意疊經飭諭雷瓊道遵辦該道以番嘔地方張文襄公全集卷二百十五公牘三

大

有田可墾將土紳指控單開有名客匪貸其一死責令入山墾田免其應死之罪予以謀生之資既可開荒謀食兼免逼處尋仇凡此種種法外施仁所以爲客民計者至矣人數既眾該委員自不能不以兵法部勒以便化其桀驁課其勤惰如果委員所設章程實有窒礙難行之處該客眾憚於力作之勞儘可就近呈明該督道府量予變通何至擅焚棚寮私行逃逸皆由積匪葉有等包藏禍心造言煽惑希圖激眾生事情殊可惡該紳等不知感恩悔禍約束客眾一味畏難苟安所呈各情不免張大其詞冀圖聳聽聽惟既稱客民有不便之處虛

實均應立予查辦斷不强以所難除業經電飭雷瓊道立將所有不便章程即日停止更正並將該委員撤差離瓊會同撫部院另委方道前往查明確實情形稟覆分別良莠妥爲辦理外仰東按察司會同布政司迅速移行瓊州道府妥爲撫輯飭諭該紳耆等安分守法約束客眾勿惑浮言聽候方道查明妥辦至造言生事怙惡不悛之匪徒應由方道會同朱道查明勒拏務獲懲辦罪在眞匪不得株累平民

批雷瓊道稟查辦臨邑客匪編屯開墾情形光緒十四年四月十六日

張文襄公全集

卷一百十五 公牘三

九

開墾之與屯田截然兩事瓊屬但須招墾毋庸置屯前經屢次電飭並於該道具報設屯田義學稟內詳晰批示不啻再三誥誡舌敝唇焦茲來稟轉據徐革倅所陳辦法仍係編丁設屯所擬章程繁碎難行當此開墾伊始正宜輕繇薄賦以廣招徠該革倅乃以積匪充屯限以五年始獲役滿墾熟之田仍須遣官五年之中納租自五成以至二成賦役之重無過於此每丁僅墾十畝勤者勉足自食而謂准其妻子依屯以居將令何所仰給耶至於四時編冊出入有假似此苛細豈能見諸施行試問責令開荒而不令其永爲世業且又重租倍於

什一拘束同於編管誰肯爲之至稱繳匪一名隨繳食米二石未知此米出自何人若該匪則無米可繳若令交匪之紳耆代繳則是累及無辜尤爲紕繆無理本部堂於瓊事惟圖匪戢民安屢費巨款豈惜此千餘石之米耶該匪等皆積慣兇橫野性未除平時尙宜設法破散其黨而乃聚數百頑獷之徒施一切難堪之政逞兇橫決自在意中此等重要創辦事體章程該革倅不候批准偏執已見率行開辦實屬可怪所稟應毋庸議

批河源縣稟請於小江地方移駐汛防彈壓光緒十四年五月初八日

張文襄公全集

卷一百十五 公牘三

三

該縣小江適中地方添設文武員弁因司汛並建衙署汛防經費不敷中止該前升府李守議撥銀兩亦未具領該縣現請以副城守移駐小江順天墟龍龍汛移駐小江船塘墟各就附近村墟分隸管轄原設額兵一併隨行兵餉均各歸本營支領應造汛署營房即由前項府庫充撥銀兩修造等由係爲綏靖地方起見候札東藩司會同臬司核議詳辦並咨署陸路提督查照至稟內以城市求其無訟而不能匪鄉求其好訟而不得立論奇創而甚有理誠以官不足取信於民故匪鄉鬪而不訟耳但須實有父母斯民之心誠懇足以孚之操守

足以信之聽斷足以平之執法嚴明足以懾服之則關
既止而訟亦息矣該縣有志求治其強勉而力行之

批澄邁紳士陳彝謙等稟陳瓊民疾苦
光緒十四年六月初

二

徐章倅於開屯事體辦理未協不與土客曲直相涉已
經撤差應勿庸議至瓊屬民受客害已非一日前兩年
澄邁金江一帶數百里殺掠慘毒神人共憤本部堂久
已深悉曾經詳晰奏聞捕斬兇渠悍黨不少目前已飭
瓊州道府將善後事宜妥為斟酌認真籌辦本部堂為
民興利除害一秉至公至平之道毫無偏倚瓊民疾苦
張文襄公全集 卷二百十五 公牘三 三

批嘉應州稟查明官山煤礦請招商承辦
光緒十四年七月十四日

四

煤者窮民生計等諸柴炭柴炭不招商承辦何獨於煤
必令招商耶上年鑛政局議詳章程第一條內將煤與
五金並列不過續舉應行開辦之地利並未言必應歸
官招商辦理若令繳費給照則煤利甚微豈有與五金

同繳照費一千元之理至章程第五條所稱煤鐵為軍
火大宗應先開采以收利權等語本欲令民多行開采
免向外洋購買收外洋之利以歸於華非謂收民之利
以歸於官該署牧不善體會謂須由官開辦實屬大謬
又章程第七條內稱煤一百斤抽銀一分不過議及抽
收亦非令報承繳費也若如來稟所擬勒令報承即是
民業亦應繳契給價聽官招商承辦等情必致藉端擾
累釀成事端無怪乎紳民之難遵也該署牧不知政體
粗謬已極應即嚴加申飭至百斤抽銀一分亦屬過重
此項煤斤應如何酌量抽收仰善後局會同鑛政局核
張文襄公全集 卷二百十五 公牘三 三

批理事同知貴璋等稟民人被旗人砍傷錄報民
人供詞
光緒十四年七月二十六日

查辦案廣兇犯既經到案即應將兩造供詞備細錄
稟以憑查核情節指示研審從無止錄一造單詞之理
若止錄一造單詞試問孰虛孰實從何考核茲該應等
稟報此案情形止錄受傷民人焦弼父子及地保供詞
於兇犯供詞不錄一字一似崇俊籍隸旗營本部堂可

無庸聽其供詞者然則該廳等又何必多此一舉稟報本部堂爲耶是將來審結定案之時該廳等亦止須錄報焦弼單詞便令本部堂批准定罪而不必再視崇俊之供詞矣有是理乎辦案有此供招體式乎照此各部能不干駁詰乎至於人命事件何等重大而來稟乃謂崇俊另有傷斃人命情事已赴該廳審辦等語一似崇俊殺人斃命該廳竟可專主其事本部堂又可無庸過問者殊屬可駭本部堂近在同城凡重大事體皆應稟知卽使崇俊所殺係屬旗人該廳既經通稟卽應將案情詳細稟明斷無省城旗兵殺傷五人而同城督撫並張文襄公全集卷二百十五公牘三十

卷二百十五

公牘三十

三

不稟報之理假如朝廷問及亦可謾爲並無聞知乎況崇俊所殺之人是旗是民來稟並未分晰何以見本部堂便不應預聞耶此種含混稟牘不諳政體荒謬已極仰東按察司將該同知嚴行申飭令將全案先行稟覆併令提犯崇俊究明因何傷斃人命死者係屬何人務將姓名案情詳細稟陳以憑查核至於焦弼之案因何啟衅被崇俊砍傷務取崇俊確供一併通稟毋再率意妄行致干未便

批肇慶府稟設局修理圍基光緒十四年十一月二十八日

據稟高要高明四會各縣應行修築圍基已由該府捐

康印辦圖冊俾各圖情形按冊可悉不致慢無稽考辦理甚善於築基之法亦能認真講求頗有發明本年春夏連次澇溢民力甚爲艱困除南海三水外該府屬高明四會兩縣被水較重本部堂先經酌發銀兩札委試用知縣盧蔚猷前往高明准補饒平縣王松前往四會會同辦理在案所有高要各圖現已發銀四千兩札委試用知縣龍紹儀前往會同辦理來稟擬於三縣地方各設總局均屬可行應名爲圖工總局卽令現派各縣委員妥協辦理至該府稟留之王令琦藩前經電飭准其隨同該府督修亦經分飭遵照所有各員此時各暫張文襄公全集卷二百十五公牘三十

卷二百十五

公牘三十

三

守督飭經理並速將圖冊造好呈閱

批運司詳裁節臨全督配省局經費光緒十五年正月廿一日

據詳裁節臨全省局經費各節所籌甚是惟本部堂之意此局不如徑行裁去爲是從前商辦故設局以督之今改官運豈有以局督局之理未免重複糜費仰卽

臨全督配省局裁撤歸併臨全官運局辦理該局原有員役如何裁留該司即速另議詳辦至官運局及梧局經費亦應一併大加裁省以節糜費

批營務處委員李家焯稟擊獲票匪

光緒十五年二月廿四日

查白鴿票爲害最甚匪徒私開煽惑引誘良民情殊可惡非尋常賭犯可比必應從嚴懲辦不容稍寬據稟擊獲票匪羅亞發既據訊認係廣福廠東家不諱仰東按察司轉飭廣州府會督獄局委員切實嚴訊從重定擬稟候核奪飭遵花紅銀兩即在新籌保甲緝捕經費項下支給至票匪夥黨不少訪聞仍在外百計營求意存張文義公全集卷一百十五公牘三十五

壬

稍延縱是爲至要

批上思州稟民教悔婚肇衅請酌定限制

光緒十五年三月初七日

結親必兩家自願非教民所能強婚習教亦中國之民豈教士所能包庇衡情定斷惟問是非何分民教教民果有犯法則三尺具在必懲戒豈可因教士作梗遂曲爲遷就聽其逍遙於事外乎須知教士祇准傳教絕無干預公事之權如其妄行越俎儘可面斥不理應嚴辦者仍必盡法嚴辦使教民知教士之不足恃庶賴風

或可漸挽而公道於以常昭就令教士顛倒是非領事出頭曉舌地方官果能執法公平上司且將褒其果斷萬不至爲浮言所動遽加譴責若預存畛域之見民教不准聯婚門戶愈分猜嫌愈甚欲杜朦混挾制而朦混挾制之端必從此而日多勢必至教民親教士而怨官長叢爵淵魚貽害胡底現稟廖姓之女許字雷姓爲妻彼既不願與教民爲婚何以事前並不查明事後始行翻悔雷振興於悔婚之時並不赴地方官呈訴聽候核斷竟敢糾眾強搶不法已極現已辦結姑不具論至所稱村民差與教民結親等語婚姻適兩家之好必從所張文義公全集卷一百十五公牘三十五

壬

願誰能相強以後應即聽其自擇所請由官出示劃立界限一節未便准行

批南韶連道稟竊匪出排焚搶飭將各案辦結

光緒十五年三月十七日

據稟本年正月十四夜軍寮排竊匪百餘人結連土匪突出菜園壩火鋪尾一帶焚燒潘達精等房屋數間搶去米穀猪隻等物經村民擊退格斃匪黨一名等情均悉前據連州暨三江協稟報已批行嚴拿究辦矣查民竊構衅互相報復由狹有夙嫌而此案之曲則在竊不在民也如另單所稱正月初八夜該竊匪縱焚火鋪

尾潘安瀾屋四間十二夜又焚菜園壩潘楊保屋二間十三夜又焚火鋪尾潘元英屋二間並燒黃泥嶺陳新嬌房屋燬斃民人鄧裕連一命皆在正月十四以前未經該州廳稟報者則是七日之間該縣匪焚殺四次燒燬民房十餘間傷斃民人一命搶劫得財諒亦不少民人受害曷可勝言若正月初八該匪等初次出巢之時地方文武立即掩捕堵緝則該匪等何敢藐視官兵欺凌良善至於此極即謂梅村民人擄捉軍寮排猶婦未釋該縣藉圖報復然移怒別村屢加荼毒可乎乃該州文武於該匪滋事充耳無聞致令肆無忌憚愈出愈兇

張文襄公全集

卷一百十五

公牘三

毛

而民人鄧裕連一命竟敢匪不稟報若果屬實則此命竟沉寃莫白矣本部堂深用憫惻不得不痛恨於該處文武也至於此案匪徒各處稟報僉謂係軍寮排猶人所爲與其稟內情詞自相矛盾難保非該縣憚於繳匪飾詞推卸該匪等既四次出擾則附近一帶見聞必確自應查明勒令交兇斷不容其狡展仰該道即日親自馳赴連州綏密廳等處查明本案起衅緣由究係何排猶匪滋事會督該處文武各員嚴飭理緝把總勒令將首要兇犯各名交案究辦並嚴緝土匪務獲倘有應須兵力之處由該道酌量情形就近調用並查明正月初

八等夜各案暨民人鄧裕連被燬斃命是否屬實如該地方官有諱匿情事即據實揭參毋稍徇飾並將梅村民人與猶人擄畔各案督催迅速辦結將猶婦木植分別追出給領嚴拏匪徒蕭三喜務獲究辦以免藉口仍將辦理情形隨時報查

批三江協連州連山等廳州會稟猶人尋衅請派兵查辦

光緒十五年三月二十四日

此案疊據連州連山廳南韶連鎮道節次稟報當經批行嚴切拏辦並電飭南韶連林署道親自馳往該處確查情形妥速籌辦在案據稟前由查其衅端全因民村

張文襄公全集

卷一百十五

公牘三

天

激成猶人疊次出擾乃係報復並非搶劫歷年文武隱匿不報積成多案深仇互相讐害愈蔓愈寬可恨已極現已飭副將江志酌帶安勇四五百名前往會同林署道暨三江協宋副將安籌辦理所有應辦事宜均於另札詳晰指示仰東按察司分別轉行該廳州暨宋副將遵照另札指示事理秉公持平妥爲籌辦務將新舊各案一律辦結毋稍草率朦混稍留後患

批東臬司會稟職局委員請照章獎勵

光緒十五年三月二十五

日十七

職局各員近年甚屬疲玩一味素餐玩愒膜視公事遠

年積案未結甚多凡有要案俱不能審出實情正在嚴行申飭本應記過撤差姑予從寬責其後效豈有再行給獎之理所請不准仰即轉飭該守等會督在局各員迅將未結各要案趕緊認真清理毋再玩泄致干參處

批藩運兩司會詳核議抵解爐餉月二十七日光緒十五年三

如詳辦理仰候奏咨立案即由司分飭各屬遵照此係奏明特辦要政迅將爐商原領印照印諭旗票等項一併依限繳銷不准勒索退商規費並由局迅速嚴飭各釐廠將廢鐵一項照案免抽以歸畫一官吏汛兵不准仍收私規如敢稍有需索違飾定行嚴參重懲

張文襄公全集

卷一百十五 公牘三

元

批高明縣稟查看地方情形現籌措置光緒十五年四月初四

爲治之道當務爲急該令此稟於爲州縣所當辦之事無一不欲舉辦志則佳矣力能及乎此時惟圖基爲第一要務水不決圍有屋可棲有田可食然後可及其他若詞訟監獄捕盜勸農修葺壇廟乃該縣日用尋常之事並無大舉實效無須敷陳書院義學祇可隨時量力整飭鼓舞捐置義倉誠是要事此時水患未除說不到此城垣縣志均是不急之務從容再議聞該令於籌辦基圍甚屬認真可即循序擇要盡心努力爲之總以實

事求是爲主至清丈以復糧額一節據稱缺額銀至一千八百餘兩缺米至一千一百餘石之多實堪駭異仰東布政司會同善後局轉飭該令悉心體察勘丈是否能行該縣如何自行籌款妥擬章程稟候核奪歷年缺額奏銷如何辦理並即據實稟覆手批

批分省直隸州黃炳熙稟請承辦出洋米捐光緒十五年五月初五日

米穀出洋本應查禁而近年來詳加考察用此米者仍爲僑寓外洋之粵省華工華商因外洋水土不同華人必須常食華米始免疾病洋人並不需此且南洋暹羅

張文襄公全集

卷一百十五 公牘三

三

西貢等處產米甚多轉販甚廣其非接濟洋人甚明若概行禁絕則無以安羈旅之華人倘任其捆載出洋偶遇歲歉粵民必有艱食之慮前因拱北關稅務司倡議稽察徵收出洋米穀本部堂恐其於民食諸多窒礙是以飭令九龍拱北兩關委員籌議體察每年出洋米數外洋華商情形擬令各外埠華商董事核明該埠每年食米若干稟明核定一數遣人赴粵自行請照領運酌量捐助以爲梓鄉修基圍建義倉等款倘領照之外有人私販即行查拏若爲數過多或遇粵省歲歉米貴即行隨時分別停減操縱在官既可以便稽察亦可以示